

## Band IX., Nr. 4035, Seite 399

*Der Erzpriester Heinrich in Offenburg beurkundet ein Vermächtnis des Hugo von Altheim, Bürgers von Offenburg, an Kloster Kniebis.*

Offenburg, 1290. November 15.

Coram nobis Heinrico archipresbitero in Offenburg sub figura iudicii constitutus Hugo dictus de Altheim civis in Offenburg animadvertens humanarum condicionum fragilitatem nolensque intestatus casu inopinato decedere redditus seu census duorum quartalium siliginis solvendos sibi singulis annis iure emphiteosis de bonis infra specificatis ac quicquam iuris in eisdem bonis seu censibus habet vel habere debet et ad ipsum pertinet ex causa donationis pure et simplicis causa mortis reverendis in Christo viris . . . preposito et conventui domus sancte Marie in monte Knieboz donavit seu dedit causa mortis pure et simpliciter propter deum seu legavit ita, quod predicti domini post mortem dumtaxat naturalem Hugonis predicti bona et census memoratos iure donationis huiusmodi causa mortis seu legati, prout sibi melius expedit, apprehendant teneant ac possideant ac de ipsis faciant, quod sibi visum fuerit expedire. Voluit etiam et statuit Hugo predictus, quod, si supradicta donatio ad presens vel in posterum iure testamenti seu huiusmodi dati vel legati causa mortis non valeat, valeat tamen iure codicillorum seu cuiuslibet voluntatis ultime et extreme. Specificatio bonorum et censuum supradictorum hec est: de agro videlicet dicto seliketez acger sito infra limites banni Appenwilr prope viam qua itur versus Renechein, quem Johannes pistor de Appenwilr habet et possidet iure emphiteosis, quatuor sextaria siliginis et duos pullos singulis annis Martini, item de agro sito ibidem etiam seliketez agger nuncupato, quem habet et possidet iure predicto H. dictus Rôsebon, quinque sextaria siliginis et unum pullum termino predicto, item de agro ibidem sito qui similiter dicitur selickeitez acger, quem habet et possidet Burcardus dictus Stümpe de Zimbern sub dicto iure tria sextaria siliginis et pullum dicto termino.<br> <br> Huic donationi ac publicationi dicte donationis intererant Reinboldus dictus Acher gener prefati Hugonis, Jacobus dictus Bulgenbloh gener eiusdem Hugonis, Waltherus scultetus, Albertus de domo, Sifridus Halbsester, Reneherus dictus Lise, Heinricus de Acher et alii plures de Offenburg fidedigni.<br> <br> Actum et datum feria quarta post festum Martini anno domini MCCLXXX. Et in premissorum omnium evidentiam sigillum nostrum ad preces sepedicti Hugonis presentibus est appensum.

## II

Textabdruck nach dem Original (italienisches Perg.).<br> <br> Das abhangend  
befestigt gewesene Siegel ist abgegangen.

## Überlieferung und Publikationen

**Lagerort:**

GLA Karlsruhe

**Überlieferung und Textkritik:**

Laut Rep. HStA Stuttgart A 494, S. 107 im Jahr 1807 an Baden abgegeben.

## Weitere Angaben

**Beschreibstoff:**

Pergament

**Sprache:**

Lateinisch

**Ausstellungsort:**

Offenburg

**Ortsindex:**

Achern Wohnplatz (10339)<br> Achern, OG<br> Altenheim Wohnplatz (12165)<br> Altenheim, Neuried, OG<br> Appenweier Wohnplatz (10363)<br> Appenweier, OG<br> Kniebis Wohnplatz (7420)<br> Kniebis, Freudenstadt, FDS<br> Offenburg Wohnplatz (11494)<br> Offenburg, OG<br> Zimmern Wohnplatz (10368)<br> Zimmern, Appenweier, OG